



Examens d'admissiun al progimnasi

Las dumondas e respostas las pli frequentas per entrar da la scola primara en il gimnasi

Ils examens d'admissiun sa basan a l'Ordinaziun davart la procedura d'admissiun a las scolas medias dals 02-09-2008, versiun dals 01-08-2019 (ordinaziun d'admissiun a las scolas medias; DG 425.060).

1. Tge èsi da resguardar?	> Tut las scholaras ed ils scholars (era da lingua materna rumantsch e talian) vegnan examinads en ils roms emprima lingua e matematica. Las candidatas ed ils candidats decleran en l'annunzia ina da las linguas chantunalas sco lur emprima lingua, q.v.d. quella lingua en la quala els vulan far l'examen. > Per la decisiun d'examen vegn ina segunda lingua chantunala resguardada. La nota dal rom d'examen per las linguas chantunalas vegn calculada sco media arrundada sin duas cifras suenter il punct da la nota d'examen en la l'emprima lingua e da la prestaziun da l'emprim semester da l'onn da scola current, per regla da la 6avla classa primara, per la segunda lingua chantunala. > Sco segunda lingua vala per scholaras e scholars da scolas u da classas bilinguas ina da las duas linguas chantunalas che vegnan duvradas sco lingua d'instrucziun. > L'examen è reussi sche la media da l'examen cuntanscha la nota 4.5 e las notas dals roms d'examen na svieschan betg dapli che 0.75 puncts da notas da la nota 4 engiu. > Suenter avair passà l'examen d'admissiun pon ins entrar - cun resalva d'esser promovì a la fin da l'emprim onn al gimnasi - en l'emprima classa dal progimnasi.
2. Co vegn la media da l'examen calculada?	> La media da l'examen vegn calculada sco media arrundada sin duas cifras suenter il punct da las notas dals roms d'examen per las linguas chantunalas (examen a scrit per l'emprima lingua e nota d'attestat da semester en la segunda lingua chantunala), da la nota dal rom d'examen matematica e da la nota d'admissiun, premess ch'il candidat haja il dretg a quella (Homepage: calculaziun d'exempel da las notas d'exempel).
3. Tgi ha il dretg d'ina nota d'admissiun e tge quinta quella?	> Ina nota d'admissiun survegnan mo candidatas e candidats ch'entran directamain suenter la 6. classa primara d'ina scola che suttastat al champ d'applicaziun da la lescha davart las scolas popularas dal chantun Grischun (senza in onn intermediar u in onn da scolaziun supplementar) en la scola media. > La nota d'admissiun quinta sco nota da rom d'examen supplementara.
4. Co vegn la nota d'admissiun calculada?	> La nota d'admissiun a la 1. Classa gimnasiala vegn calculada a maun da l'emprim attestat da semester da la 6. classa primara sco media arrundada sin duas cifras suenter il punct da las 9

	notas dal rom emprima lingua; segunda lingua; anglais; aritmética e geometria (1 nota); natira, uman e societad (1 nota); art figurativ; chant e musica (1 nota); moviment e sport (1 nota) e medias ed informatica (1 nota).
5. Tge roms vegnan examinads a l'examen d'admissiun?	> Roms d'examen per emprima lingua tudestg: Deutsch e Mathematik / matematica > Roms d'examen per emprima lingua rumantsch: Rumantsch e matematica/Mathematik > Roms d'examen per emprima lingua talian: Italiano e matematica/Mathematik
6. Con ditg cuzzan ils examens?	> L'examen en l'emprima lingua cuzzà 90 minutas. > L'examen en il rom matematica da divida en duas parts: 1. part: matematica a scrit: 60 minutas 2. part: matematica fixand: 30 minutas
7. Tge munta matematica fixand?	> Quints a chau fixand munta ch'ils uffants jan ils pensums avant els e pon recepir els visualmain. Notar resultats intermediars u quintar a scrit è scumandà (Quintar fixond a chau).
8. Tgi decida davart la tscherna da l'emprima lingua?	> Cun l'annunzia per l'examen decleran las candidatas ed ils candidats ensemen cun lur educaturas ed educaturs l'emprima lingua, q.v.d. quella lingua chantunala en la quala ellas, els vegnan examinads e survegnan las dumondas da l'examen era en il rom matematica (decleraziun persunala).
9. Tge signifitga l'admissiun al gimnasi cun resalva da la promoziun?	> Sch'ins n'è betg promovì l'emprim onn dal progimnasi, n'èsi betg pussaivel da repeter quel. En tal cas cuntinueschan las scholaras ed ils scholars lur scolaziun al stgalim superiur. > Sch'ins mida dal progimnasi en consequenza d'ina nunpromoziun ha per regla per consequenza ina admissiun provisorica en la segunda classa dal stgalim superiur. A la fin da l'emprim semester succeda la decisiun definitiva schebain il scholar/la scholar po restar en la 2. classa secundara u sch'el sch'ella sto midar en il segund semester da l'emprima classa secundara. Ina midada en l'emprima classa secundara po succeder en consentiment vicendaivel tranter las persunas d'instrucziun ed ils responsabels d'educaziun gia el decurs da l'emprim semester. > Scholaras e scholars che n'èn betg promovids a la fin da l'emprima classa dal gimnasi e che han en dapli che trais dals roms linguas chantunalas, matematica, anglais e instrucziun da la natira ina nota insufficienta vegnan assegnads a l'emprima classa da la scola secundara.
10. Nua poss jau m'infurmar davart las pretensiuns per ils examens?	Sin la pagina d'internet www.mittelschulen.gr.ch chatt'ins las suandantas infurmaziuns: > Exempels d'examens dals davos 4 onns > Disposiziuns davart las enconuschientschas preliminaras
11. Tge sto jau resguardar tar l'annunzia a l'examen?	> L'annunzia succeda via internet sin www.zap.gr.ch. > Tar l'annunzia a l'examen èsi da pajar ina taxa d'examen da CHF 100.- > Per pajar la taxa d'admissiun survegnan ils retschaviders dal quint in cedel da pajament. > Ils suandants documents ston en mintga cas vegnir inoltrads al secretariat d'examen (adressa vesair sura) fin il pli tard ils 6 da favrer 2023:

	• copia da l'attestat da l'emprim semester da l'onn current • copia da la carta d'identitad u dal pass > Las indicaziuns pli exactas pertutgant la procedura d'annunzia electronica èn disponibilas sin la pagina d'internet www.mittelschulen.gr.ch.
12. Survegn jau ina confirmaziun per la annunzia succedida?	> Suentar che l'annunzia electronica ei terminada survegnis Vus ina confirmaziun electronica via e-mail.
13. Survegn jau ina confirmaziun cura che jau hai inoltrà ils documents che jau hai tramess pli tard?	> Na. I na vegn betg tramess retschavidas (era betg sin dumonda). En cas dad irregularitads vegn l'Uffizi per la furmaziun media-superiura a prender si contact cun Vus per telefon.
14. Stoss jau trametter ils documents che jau tramet pli tard scrit en?	> Na. Quai n'è betg necessari. Ils documents pon vegnir inoltrads cun posta ordinaria u electronicain (ma na cun posta e electronicain).
15. Co paj jau la taxa d'examen da CHF 100.-?	> Per il pajament da la taxa d'examen da CHF 100.- retschavais Vus en il decurs dal schaner 2023 in cedel da pajament da l'Uffizi per la furmaziun media-superiura.
16. Fin cura stoi jau pagar la taxa d'examen da CHF 100.-?	> Il termin da pajament munta a 30 dis suenter avair retschavì il cedel da pajament. L'inademplement dal termin da pajament na maina betg a l'exclusiun da l'examen, chaschuna però il proceder d'incasso (admoniziun, scussion, etc.).
17. Stoss jau era pagar la taxa d'examen sche jau visescha l'annunzia a l'examen d'admissiun u sche jau na fetsch betg l'examen?	> Sche la retratga succeda avant la scadenza dal termin d'annunzia scroda la taxa d'examen. Suentar la scadenza dal termin d'annunzia sto la taxa d'examen vegnir pajada en mintga cas.
18. Fin cura poss jau m'annunziar?	> Il termin d'annunzia per ils examens d'admissiun a l'emprima classa dal gimnasi è publitgà sin www.mittelschulen.gr.ch. > Il termin d'annunzia è in termin da scadenza. En cas d'ina annunzia retardada è la participaziun als examens d'admissiun esclusa.
19. Tge capita sche jau na poss betg vegnir als examens per motivs nunprevis?	> Tgi che na po betg sa participar als examens per motivs da sanadad nunprevis u en consequenza d'in accident sto communigar quai il pli spert pussaivel tant a la direcziun dal lieu d'examen sco era al secretariat d'examen, il pli tard dentant avant l'entschatta da l'examen agiuntond in attest dal medi. > La gruppa directiva examens d'admissiun a las scolas medias grischunas decida davart ina admissiun eventuala als examens supplementars.
20. Poss jau far ils examens supplementars sche jau hai manchentà il termin d'annunzia?	> Na. Access als examens supplementars ha mo tgi ch'è s'annunzià entaifer il termin per ils examens d'admissiun, n'ha dentant per motivs cumprovabels (attest dal medi) betg pudì sa participar als examens.
21. Poss jau m'annunziar da l'emprima classa secundara o reala per l'examen d'admissiun a l'emprima classa dal gimnasi?	> Na.

22. Poss jau m'annunziar da la 5. classa primara per l'examen d'admissiun l'emprima classa dal gimnasi?	> Na. L'uffizi per la furmaziun media-superiura decida sin dumonda en scritta e motivada davart excepziuns eventualas. La pratica valaivla è restrictiva.
23. Poss jau m'annunziar sco scolara extrachantunala u scolar extrachantunal als examens d'admissiun chantunals?	> Na. Als examens d'admissiun chantunals pon mo s'annunziar scolaras e scholars, dals quals ils geniturs (almain in genitur) èn domicilià en il chantun Grischun.
24. Tge proceder succeda per scolaras extrachantunalas e scholars extrachantunals?	> Las singulas scolas medias grischunas pon acceptar scolaras extrachantunalas e scholars extrachantunals, che na vegnan betg anc d'in gimnasi, tenor atgnas fixaziuns confurmas a las leschas. En in tal cas ins survegn infurmaziuns tar la scola media giavischada.
25. Hai jau il dretg sin ina compensaziun dals dischavantatgs sche jau hai in impediment?	> Sche Vus avais in impediment, avais la pussaivladad d'inoltrar ina dumonda giustifitgada en scrit per concessiun d'ina compensaziun dals dischavantatgs tar l'Uffizi per la furmaziun media-superiura, Grabenstrasse 1, 7001 Cuira. Ensemen cun la dumonda sto vegnir inoltrada ina expertisa actuala specifica dal rom. Detagls chattais Vus sut internet: www.mittelschulen.gr.ch > documentaziun > leschas ed ordinaziuns > disposiziuns da l'uffizi per la furmaziun media-superiura dal 28-9-2016 concernant il relasch da las directivas davart la compensaziun da dischavantatgs tar ils examens d'admissiun per entrar en ina scola media grischuna.
26. Tge meds auxiliars pon ins duvrar tar ils examens d'admissiun?	> En il rom d'examen emprima lingua n'èn lubids nagins meds auxiliars. En il rom d'examen matematica, 1. part, pon vegnir duvrads il circol, il geotriangul ed ina lingera. En il rom d'examen matematica, 2. part, n'èn lubids nagins meds auxiliars.
27. Tge stoss jau prender cun mai a l'examen d'admissiun?	> Vus stuais s'identifitgar tar ils examens d'admissiun entras in palpiri d'identitad (carta d'identitad, pass u legitimaziun d'esters). > Material da scriver. Cun excepziun dal rom d'examen matematica, 2. part, (matematica fixand) pon ins era scriver l'examen cun in stilograf (blau u nair) enstagl da culli. Il diever d'in rispli è cun excepziun da las construcziuns da schliaziuns geometricas en il rom d'examen matematica, 1. part, betg lubì. L'examen da matematica, 2. part, sto vegnir scritta cun il culli che vegn mess a disposiziun. Tut ils pensums ston vegnir schliads sin ils documents d'examen. Igl è scumandà da duvrar agen palpiri. Da prender cun sai è damai: a) A l'examen d'emprima lingua: stilograf u culli (blau u nair) L'utilisaziun da marcaders e da la lingera è lubida. b) A l'examen da matematica, 1. part: Stilograf u culli (blau u nair), rispli (pensums da construcziun vegnan fatgs cun rispli), gumma, gizzarisplis, colur verda (per marcar schliaziuns en ils pensums da geometria), circol, geotriangul, lingera. c) A l'examen da matematica, 2. part: Nagut. Ins dastga be duvrar il culli che vegn mess a disposiziun.
28. Dastg jau duvrar fieuters da pilot?	> Na. La tinta dals fieuters da pilot svanescha tar influenza da chaud (chalira da fricziun). Tar ils documents stampads da d'omadus varts exista il privel, che en cas da correcturas tras

	far or cun la gumma vegn la scrittira sin la vart davos illegibla resp. svanescha.
29. Poss jau prender cun mai ina pitschna marena ed ina bavronda en la stanza d'examen?	> Gea.
30. Co e cura succeda la comunicaziun da la decisiun da l'examen?	> L'informaziun davart il resultat da l'examen succeda en scrit e central per posta A (spediziun postala ils 2 da mars 2023 [bul postal, betg data da consegna], cun resalva dad incaps betg previs) entras la gruppa directiva d'examen d'admissiun. Il medem di a partir da las 18.00 san ins prender invista online al resultat da l'examen sin www.zap.gr.ch . Per l'invista online vegnan duvradas las datas d'access che vegnan utilisadas per l'annunzia electronica da l'examen.
31. Poss jau contestar la decisiun da l'examen, sche jau na sun betg perencletg?	> Gea, tant enavant che vus n'avais tenor decisiun betg cuntanschì las premissas per l'admissiun en l'emprima classa gimnasiala (decisiun da l'examen negativa). Tar la decisiun negativa da l'examen sa tracti d'ina disposiziun cun indicaziun dals meds legals. Il termin per meds legals cumenza il di suenter la consegna da la decisiun (1. di) e finescha il dieschavel di. Croda la fin dal termin (10. di) sin ina dumengia u sin in firà uffizial, finescha il termin fixà il suandant lavurdi.